

王強 主編

近代世界史文獻叢編

44



廣陵書社

近代世界史文獻叢編
44



廣陵書社

貴州师范学院内部使用

第四十四冊

中等歷史教科書 東西洋之部 趙懿年 編纂 民國二年 科學會編譯部 一

東西洋史講義 傅運森 編纂 民國三年 商務印書館 二〇九

臨桂趙懿年編纂

中等歷史
教科書

東西洋之部

上海科學會編譯部發行

貴州師範學院內部使用

東洋歷史目錄

總論

第一期 上古史

第一節 印度之文明

第二節 印度及條支大夏諸國之盛衰

第三節 日本建國及印度阿育迦王之事業

第四節 大月氏之勃興及迦膩色迦王之事業

第五節 朝鮮古世及高句麗三國之興

第六節 日本經畧三韓及輸入國中文明

第二期 中古史

第一節 高句麗三國之亡及後句麗之興

第二節 回教之興及回教徒之延大食國

東洋史 目錄

二

第三節 印度烏菴王國之興衰及大食國之分裂

第四節 日本改革制度及外戚之專政

第五節 日本平源氏之爭及鎌倉時代

第六節 印度爲外族占據之衰世

第七節 日本南北分統及統一後之禍亂

第八節 朝鮮新國之起及安南黎氏之興

第三期 近古史

第一節 印度蒙古帝國之興

第二節 日本足利之亡及織田豐臣之興

第三節 日本德川時代

第四節 安南之分合

第五節 緬甸暹羅之興及英法之爭印度

第四期 近世史

第一節 印度蒙古帝國之亡

第二節 日本幕府之傾覆及維新後之頒行憲法

第三節 安南緬甸之亡及中亞諸國之分屬

第四節 中國與中韓最近之交涉

第五節 英人經畧南洋及美國征服斐律賓羣島

第六節 暹羅變法及日俄之戰

結 論

東洋歷史

臨桂 趙懿年 瀾深 編纂

總論

東洋史者。專以紀東洋各國之事實。所以別乎中國史與西洋史。世界史之稱也。學者孰不知地球各國。咸與我中國有至要之關係。而抑知最有關係者。尤莫如同洲諸國。蓋諸國自有史以來。或受我中國之文明而發達。或因宗教商務戰爭。而彼此交通。其關係固已歷數千年。至於今。雖或盛或衰。或興或亡。而其關係要更切於曩日。故吾欲述西洋各國史勢。不能不先述東洋各國史。惟是東洋諸國。分離散漫。貫串爲難。茲惟提絜大綱。示其概要。而事之僅關一家一國。無涉東洋大局者。往往畧之。分爲四期。曰上古史。中古史。近古史。近世史。當中國帝嚳時。印度國家草創。宗教漸次萌芽。及諸大王國競興。摩揭陀最強。文明擴張。由西北印度移於東南。印度法律哲學。最爲著聞。其後佛教勃興。印度名王相繼崇敬。衍宗風。國勢大盛。朝鮮大夏安息。皆興亡於此時。

日本亦統一其國。且經畧三韓。而大月氏、波斯、高句麗、新羅、百濟先後興起。雄峙一方。是在我中國東晉之世。此上古史之概要也。東晉以後。印度文明日益發達。烏長名王迭起。文學大興。爲印度黃金之世。而波斯爲大食所滅。百濟、高句麗亦相繼滅亡。惟新羅、日本日臻興盛。然未幾新羅再分。日本大權亦爲外戚所執。印度又爲回教之突厥人所占據。突厥人且建國西亞而奪大食之權。其時朝鮮雖一統於高麗。然亦不兢。日本則外戚武門相繼爭政。幕府以興。高麗則爲李氏所滅。日本亦有南北朝之亂。大權歸於足利氏。是在我前明中葉之世。此中古史之概要也。當明中葉。蒙古帝國猶稱霸西亞。占有印度。而葡萄牙人亦開印度商業於臥亞。始通中國。日本、西班牙人則得斐律賓羣島。和蘭、英法亦相繼起。西教盛行。而日本則織田、豐臣、德川三氏迭興。事權統一。朝鮮受其凌侮。阿富汗則離波斯而獨立。俄羅斯亦背蒙古。且吞滅當時諸汗國。英國則戰勝印度。國政咸歸其掌握。其時波斯、暹羅、越南皆創立新朝。俄人則已有堪察加部。遂由庫頁島而窺日本之北海道。是在我朝乾隆之世。此近古史之概要也。若近世期者。實爲東洋史上大變動之世。英人之於印度。俄人之於中亞。固已爲所欲爲。至

後印度諸國當其相爭之際多引葡人法人以爲之助然法人卒以此墟安南英人則由印度而窺緬甸又囊括馬來半島遂與俄人爭阿富汗波斯南與和人爭南洋羣島又與法人爭暹羅東洋諸國咸岌岌不保旦夕惟日本能崛起東方變法自強於是縣琉球割台灣攘俄羅斯統御朝鮮遂與美人相提携以扶持東洋和平爲二國之任溯其改革之始僅三十餘年何其興之暴也日俄戰爭之後事變日亟爲憂方多懲諸國之淪亡鑑日本之興起我東方文明祖國之人民可不知所奮哉

第一期 上古史

第一節 印度之文明

喜馬拉山之南有廣工突入南海形如箕舌曰印度爲亞洲南方大國漢武帝通西域時之身毒國也舊分東南西北中五部其開闢事跡史無可考相傳中國帝嚳時西曆前二千四百年白種之阿利安人自西北而來居於印度河濱征服土人遂占領般若之地迨族類日繁拓地日廣同族亦時相戰爭戰時則祈禱求福崇拜日月空氣諸神是爲印度最初之宗教此等殖民富而有勢力學問技術遠勝於般若之母國遂分建

王國於恒河之濱。各有酋長。其人民無事則服農。有事則就兵役。當我周成康之時。西曆前千餘年。則有婆羅門教起。分種族爲四級。區別甚嚴。不通婚嫁。首僧侶曰婆羅門。掌祭祀教育。其人多從事曆數醫術及心理物理等學。握一國最高權。次武士曰刹帝利。掌軍政。三平民曰毘舍。務農工。皆阿利安種也。至其土民。則曰首陀。爲奴隸。服賤役而已。婆羅門於宗教既專。有大權。迨閱歷已久。遂附會梵天流弊。日甚。及我周靈王時。西曆前五百餘年。佛教祖師釋迦牟尼。乃起於北印度。別立教門。其宗旨以慈悲忍辱爲主。謂一切衆生皆爲平等。使人練心修行。脫死生輪迴之苦。以臻道德之圓滿。謂之涅槃。佛教之興。風靡一世。婆羅門教因之大衰。先是印度有十大王國。相繼勃興。其中能握印度大權。事跡可稱者。僅有摩揭陀王國。在我周平王時。西曆前六百餘年。摩揭陀建西斯那伽王朝。傳五世。王名頻毘沙羅。崇信佛教。至子阿闍世。築華氏城。遷之。征服鄰國。拓地於西北。復傳數代。至我周烈王六年而亡。西曆前三百七十年也。繼之者爲難陀朝。傳五六十一年。而爲旃陀羅。岌多所滅。此五百年間。爲印度史中最要時代。蓋阿利安人於此時悉占有全印度也。至其文明之功。更爲偉大。法典之編集。學校之廣。

設皆在此時。而哲學尤爲發揚。故史家稱此期爲法律哲學之世。

第二節 印度及條支大夏諸國之盛衰

當我周威烈王時。西曆前四百餘年。印度西北。嘗爲波斯王大流士所侵。及顯王時。西曆前三百餘年。馬其頓王亞歷山大。引兵東侵。攻滅波斯。復乘勝取西印度。破北印度。進至中印度。繼以兵士畏暑。乃置戍兵而去。於是印度全境擾亂。而摩揭陀國難陀朝亦衰。前朝之孫旃陀羅毘多。遂滅難陀朝而自立。是爲毛利耶朝。盡驅逐恒河以西之馬其頓戍兵。顯王之四十六年。西曆前三百二十三年。亞歷山大卒。其部將塞留孤。則建立叙利亞國。領有西北兩印度。復侵中印度。於時笈多統有雄兵六十萬。象隊九千。國勢甚盛。乃擊敗塞留孤。而得恢復印度河以東地。於是笈多屬地跨中北西三印度。世號爲大旃陀羅笈多王。事在我周懷琨王六年。西曆前三百十五年也。至此役後。印度與叙利亞之交際日繁。叙利亞卽條支也。當塞留孤時。盡有亞歷山大亞洲之領土。至其孫俺底阿哥第二時。國勢漸衰。巴克特里總督帖阿多。乘機獨立。建設巴克特里國。據有阿母河兩岸之地。是爲大夏國。方大夏獨立之時。伯爾西阿亦背條支而立。亞

賽西爲王。是爲安息國。安息大夏同盟屢破條支。大擴國境。後亞賽西第四。又敗盟而破大夏。獨稱雄於伊蘭。先是大夏征服北印度。其勢甚強。及爲安息所敗。國勢頓衰。適月氏由東方來。遂盡奪大食之地。月氏蓋吐蕃族。秦漢之際。奄有河西之地。陵轢匈奴。及冒頓爲單于。戰敗月氏。老上單于時。更大敗之。國王陣歿。餘衆乃西向遠走。攘奪塞種所據伊犁之地。初月氏强盛之際。其鄰國烏孫。常爲所苦。及月氏西走。烏孫重念前怨。乞援匈奴。赴伊犁而破月氏。更於其地建烏孫國。兵勢日强。月氏既爲烏孫所逐。南移於阿母河濱。因滅大夏而建大月氏國。月氏爲烏孫所逐。塞種復被逐於月氏。乃遠徙於南而建罽賓國。其時葱嶺以西。大國凡四。條支最西。其東爲安息。更東爲大月氏。大月氏之東南爲罽賓。北爲大宛。更北爲康居。康居之東南大宛之東爲烏孫。烏孫之東南匈奴之西。小國棋布。凡三十餘。卽西域諸國。我漢武帝出使張騫之所在也。

第三節 日本建國及印度阿育迦王之事業

當大夏安息之興起也。而日本亦同起於此時。日本在亞細亞東端。太平洋西部之各島羣合而成之國也。東南受太平洋之暖潮。東北隔海峽而封俄之庫頁島。北則遙對

滿洲而包以日本海。西則直逼朝鮮。僅隔一葦之水。其地勢則形若神龍。其人種則別爲日本族。其王室則一姓相承。至今不易。其國史傳述則謂始祖爲天神降世。然事實之可紀者。則始於神武帝。神武帝襲先世之緒。九州悉服。惟東方恃遠不順。神武自將討平之。一統日本。遂定都於橿原。分國爲縣。而建一中央政府以統之。其各縣則使功臣分治。且加以世襲之制。是爲日本建國之始。時我周惠王十七年。西歷前六百六十年也。日本自神武後。事跡可紀者亦少。而印度阿育迦王。方振興其國。崇奉佛教。名播於東西。阿育迦王者。旃陀羅笈及之孫也。始爲般若總督。父王歿後。兄弟相爭。而阿育迦王卒嗣王位。其國境西自印度河。東至蒲布達河。阿育迦王又征畧南方。盡有孟加拉。俄里薩之地。王欲收統一之效。乃以佛教爲帝國國教。蓋毛利耶朝出於首陀種。姓故屏婆羅門教。而取佛教也。因頒詔各地。勒其文於石岩及石柱。勸遵佛教。又遣宣教師於南印度各邦。及希臘埃及諸國。佛教因之宏布於世界。先是佛歿後。其弟子摩訶迦葉相會比丘五百人於王舍城。編纂經典。曰第一次三藏結集。至後稍有異說。比丘七百人再定訂之。曰第二次結集。及阿育迦王大欲光顯佛法。乃命大僧會集千人於

華氏城。開第三次結集時。西歷前二百四十四年。我秦始皇之三年也。阿育迦王。又以佛有遺言。云東方有佛法弘通之靈城。乃遣沙門寶利防等十八人。於震旦。適當始皇混一字內。以其異俗返之。佛自此蓋已通中國矣。然皆小乘教也。時國中分空有兩派。空屬大衆部。有屬上座部。羣弟子記其所聞結集於經律論者。爲上座部。別有大衆。筆記其耳聞者。爲大衆部。王助大衆部。而上座部之徒。乃徙於北印度。翌年王殂。有子三人。分治邦土。四十年間。七王興廢。末王宏多羅曰。先王尊佛而名顯。我以破壞佛法而名亦彰。未幾國亡。時漢高帝十二年。西歷前一百九十五年也。

第四節 大月氏之勃興及迦膩色迦王之事業

毛利耶朝之滅亡也。珊迦朝康維阿朝繼之。其間漢武帝遣使西域。身毒、罽賓之通中國。即在此時。其後安德拉王國興於南印度。併中印度而有之。威聲被於西部海岸。當我漢昭帝始元三年。歷八十五年。爲耶穌之紀元。卽漢平帝元始元年。佛歿後五百四十三年也。當安德拉之興。大月氏亦同時崛起。先是大夏國於西歷前二百年間。屢渡印度河。侵畧般若一帶地。或深進至恒河。大夏國原建設於希臘人種。因之希臘學術